



## Concors de novèlas

1° Lo Lector del Val, Associacion de Bibliotècas del Lauragués (sud-èst de Tolosa), organiza son XIX<sup>en</sup> concors de novèlas, dobèrt a totis e a gratis, d'octòbre de 2016 a febrèr de 2017. Compta quatre categorias: primàri, segondàri, licèus, adultes. Los tèxts collectius son permés se fan partida de l'ensenhament d'una classa tota.

2° Lo tèxt dèu necessàriament començar amb la frasa seguenta, que serà lo tèma:

« **Tota estabosida, es a fintar l'orguena granda jos la rosassa : coquin de sòrt, i manca un tudèl !** » La forma serà la novèla, lo genre demòra liure : fantastic, policièr, sciéncia-ficcion, istoric, romanèsc, aventura, etc... o pas brica de genre que siá. Totas las variants de la lenga d'Òc son planvengudas. A carga pel participant de passar l'incipit dins sa varianta pròpia.

3° Cada candidat poirà presentar un **maximum de dos tèxts**, de pas mai de sièis paginas rècto simple (12 000 signes maximum, espacis incluses: a l'entorn de 30 linhas per pagina, interlinha 1.5, tipe de letra classica, còs 12, format 21x29.7). Las cal dactilografadas e foliadas (levat l'originala). Cal obligatòriament un títol. Solament un tèxt per autor poirà obténer un prèmi.

4° Los tèxts deuran èsser mandats en 6 (categoria adulte) o 4 (categoria jove) còpias de papièr, e una còpia numeric **al mai tard lo 21 de febrèr de 2017**, a las adreïças segentas: Le Lector del Val, 1 rte de Pompertuzat - 31320 DEYME – mèl: [info@lecteurduval.org](mailto:info@lecteurduval.org). Se pòdon tanben pausar dins una de las 27 bibliotècas aderentas fins a aquela data.

5° Lo concors es anonim. Pas de nom o de fals-nom dins lo manuscrit. Tot signe distinctiu menarà a la cancelacion. Un **formulari d'inscripcion** junt al mandadís aurà lo nom d'ostal, lo pichon nom, l'adreïça postala, lo corrièl, l'atge, lo numèro de telefòn e, se ne vira, los ligams de l'establiment escolar e la classa del candidat. I aurà tanben un engatjament de l'autor sul caractari personal, original, e inedit de l'òbra presentada. Pas cap de fals-nom serà acceptat.

6° Los **candidats** s'engatjan, per la lor signatura, a garantir l'originalitat de las òbras que presentan, si que non poirián èsser acusats de plagiat o contrafeïçon, e ne suportarián solets, las consequéncias. Accèptan que lors tèxts (jos forma perfectament anonima, plan solid) sián propausats a la lectura dins l'encastre de mantunas accions publicas organizadas per l'associacion, e pòscan tanben servir d'espleitacion scientifica dins lo cas d'un encastre associatiu amb lo CNRS.

7° Una **jurada** presidida per l'escrivan **Alem Surre-Garcia** e compausada de bibliotecaris de l'associacion, d'ensenhaires, d'elegits, d'escrivans, de lectors e de professionals del libre, balharà, per categorias, mantun prèmis en natura (libres, abonaments...) de **prene sul luòc**, e decidirà dels tèxts d'editar e d'enregistrar : un CD audiò dels melhors tèxts serà tanben fargat.

8° Los **ganhants** seràn avisats per corrièr individual. La remesa dels prèmis se debanarà lo **dissabte 3 de junh de 2017 a Deyme**, e la remesa dels recuèlhs de novèlas e CD als autors es prevista per octobre de 2017 a Diagora-Labège.

9° La jurada pòt demandar a l'autor de modificacions ortograficas o sintaxicas avans tota publicacion, e incita los autors a utilizar de corregidors informatics. En cas d'**edicion o d'enregistrament**, los candidats primats acceptan, sens cap de resèrva, que lo lor tèxt siá difusat per talhons o entièr, papièr, son e Internet, sens cap de remuneracion. Accèptan tanben qu'un autre usatge que siá, a mira non lucrativa, tal coma las bibliotècas publicas o utilizacion pedagogica. Gardan per contre lo drech de far tornar servir lor tèxt (reedicion, etc) amb la resèrva de mencionar lo prèmi del Lector del Val. Un **autor publicat dos ans de tira** poirà pas l'èsser un an de mai, mas garda lo drech de participar e la possibilitat d'èsser primat e enregistat.

10° La **participacion** al concors implica l'acceptacion totala sens resèrva d'aquel reglament. Los organizators se resèrvan lo drech de modificar o de cancela se de circonstàncias extèrnas lo necessitavan. La jurada se resèrva lo drech de decernir pas cap de prèmi se jutja que la valor dels tèxts prepausats es insufisenta.